

玉函山房輯佚書

玉函山房輯佚書目

經編周官禮類

周禮鄭大夫解詁一卷

漢鄭興

周禮鄭司農解詁六卷

漢鄭眾

周禮杜氏注二卷

漢杜子春

周禮賈氏解詁一卷

漢賈逵

周官傳一卷

漢馬融

周禮鄭氏音一卷

漢鄭元

周禮王氏注一卷

魏王肅

周禮干氏注一卷

晉干寶

周禮徐氏音一卷

晉徐邈

周禮李氏音一卷

晉李軌

周禮聶氏音一卷

周官禮義疏一卷

後周沈重

周禮劉氏音二卷

劉昌宗

周禮戚氏音一卷

陳戚衮

周禮鄭大夫解詁一卷後漢鄭興撰興字少穎河南
開封人官至建議大夫拜涼州刺史事蹟具後漢書
本傳傳言興好古學尤明左氏周官長於歷數鄭康
成周禮序云大中大夫鄭少穎及子大司農仲師議
郎衛次仲侍中賈景伯南郡太守馬季長皆作周禮
解詁隋唐志不著錄卷未詳今佚已久從康成注輯
錄凡十五節晁公武曰鄭興鄭衆傳授周禮康成引
之以參釋異同云大夫興也司農者衆也二鄭解詁
無所別卽因題焉少穎遺說存者無多讀其子司農

之遺注固可見家學淵源也歷城馬國翰竹吾甫

周禮鄭大夫解詁

漢鄭興撰

天官冢宰第一

小宰

聽稱責以傅辨

傅辨讀爲符別

鄭元注

甸師

祭祀共蕭茅

蕭字或爲茜茜讀爲縑束茅立之祭前沃酒其上

酒滲下去若神飲之故謂之縮縮澁也故齊桓公

責楚不貢苞茅王祭不共無以縮酒

鄭注

腊人

凡祭祀共豆脯薦脯臠胖

胖讀爲判

鄭注

醢人

茆蒹

讀茆爲茅茅蒹茅初生或曰茆水草

鄭注

女祝

掌以時招梗禴禳之事以除疾殃

讀梗爲亢謂招善而亢惡去之鄭注梗口浪切禦災

害也

丁度集韻去聲四十二
宕梗字注引鄭興讀

地官司徒第二

小司徒

共茅菹

讀菹爲藉謂祭前藉也易曰藉用白茅无咎鄭注

巡其前後之屯

讀屯爲課同上

遂人

以興耒利甿

讀耒爲藉

鄭注

春官宗伯第三

小司徒

卜葬兆甫窆亦如之

讀窆皆爲穿謂葬穿壙也

鄭注陸德明釋文
文選卷二十七顏延年

宋郊祀歌
李善注

大胥

比樂官

讀比爲庀庀具也錄具樂官

鄭注

典同

高聲硯

硯爲衮冕之衮

鄭注

陂聲散

陂讀爲人短罷之罷

微聲籥

籥讀爲鶉籥之籥

並同上

大祝

四曰振動

動讀爲董書亦或爲董振董以兩手相擊也

鄭注釋

文云今倭人拜以兩手相擊如鄭大夫之說蓋古之遺法

七曰奇擻八曰裊擻

奇拜謂一拜也裊讀爲報報拜再拜是也

同上

周禮鄭司農解詁六卷後漢鄭衆撰衆字仲師河南
開封人大中大夫鄭興子官至大司農事蹟具後漢
書本傳與父興並作周禮解詁隋唐書不著錄佚已
久從康成注哀輯六官各爲一卷凡六卷禮疏引後
漢書云鄭衆賈逵洪雅博聞又以經書記轉相證明
杜氏爲解達解行於世衆解不行然衆所解說近得
其實今范史無此語禮疏所引殆採從謝承華嶠袁
山崧書實司農解詁之定論也歷城馬國翰竹吾甫

周禮鄭司農解詁卷一

後漢 鄭衆 撰

周官

書序言成王既黜殷命還歸在豐作周官則此周

官也

賈公彥
廢興

天官冢宰第一

惟王建國辨方正位

別四方正君臣之位君南面臣北面之屬

鄭元
注

體國經野

營國方九里國中九經九緯左祖右社面朝後市
野則九夫爲井四井爲邑之屬是也

設官分職

置冢宰司徒宗伯司馬司寇司空各有所職而百
事舉

乃立天官冢宰使帥其屬而掌邦治以佐王均邦國
邦治謂總六官之職也故大宰職曰掌建邦之六
典以佐王治邦國六官皆總屬於冢宰故論語曰
君薨百官總己以聽於冢宰言冢宰於百官無所

不主爾雅曰豕大也豕宰大宰也

膳夫上士二人

詩仲允膳夫

大宰之職掌建邦之六典以佐王治邦國一曰治典
以經邦國以治官府以紀萬民二曰教典以安邦國
以教官府以擾萬民三曰禮典以和邦國以統百官
以諧萬民四曰政典以平邦國以正百官以均萬民
五曰刑典以詰邦國以刑百官以糾萬民六曰事典
以富邦國以任百官以生萬民

治典冢宰之職故立其官曰使帥其屬而掌邦治
以佐王均邦國教典司徒之職故立其官曰使帥
其屬而掌邦教以佐王安擾邦國禮典宗伯之職
故立其官曰使帥其屬而掌邦禮以佐王和邦國
政典司馬之職故立其官曰使帥其屬而掌邦政
以佐王平邦國刑典司寇之職故立其官曰使帥
其屬而掌邦禁以佐王刑邦國此三時皆冬無官
又無司空以三隅反之則事典司空之職也司空
之篇亡小宰職曰六曰冬官其屬六十掌邦事